

## Petro Nhoma A Eto So Abien

<sup>1</sup> Saa krataa yi fi Simon Petro a ɔye Yesu Kristo somfo ne ne somafo nkyen,

Ɔde rekɔma wɔn a esiane yen Nyankopɔn ne yen Agyenkwa Yesu Kristo trennee nti, wɔama wɔn gyidi a esom bo te se yen de no ara pe no:

<sup>2</sup> Adom ne asomdwoe a edɔɔso a efi Onyankopɔn ne Yesu a ɔye yen Awurade no mmra mɔ so.

### *Onyankopɔn Fre*

<sup>3</sup> Onyankopɔn nam ne tumi so ama mo biribiara a eho hia ma asetena pa ne nyamesu. Nimdee a yewɔ wɔ nea ofi n'anuonyam ne nnepa mu frɛe yen no na ama yen saa tumi yi. <sup>4</sup> Ɔnam n'anuonyam ne nnepa so ahye yen bɔ a esom bo yiye. Eno nti, mɔbeyɛ ne nyameyɛ no adedifo na moafi nea wiase yi porɔwee a akɔnnɔ bone de ba no mu.

<sup>5</sup> Esiane saa nti, mommɔ mmɔden mfa nneyɛe a eho tew nka mo gyidi ho; na momfa nimdee nka nneyɛe a eho tew ho; <sup>6</sup> na momfa ahohyɛso nka mo nimdee ho; na momfa boasetɔ nka mo ahohyɛso ho; na momfa nyamesom pa nka mo boasetɔ ho; <sup>7</sup> na momfa onuadɔ nka nyamesom pa ho, na momfa ɔɔ ankasa nka onuadɔ ho.

<sup>8</sup> Eyinom ne su pa a eho hia mo. Na se munya ma

εδωσο a, ebema mo aye nnam wo yen Awurade Yesu Kristo ho nimdee mu. <sup>9</sup> Na obiara a onni bi no ye onifuraefo a ontumi nhu ade. Ne were afi se wəahohoro ne ho afi ne bone dedaw no mu.

<sup>10</sup> Enti me nuanom adɔfo, monyere mo ho wo dwuma no di mu, na enni mo ho adanse ampa ara se Onyankopɔn afre mo, ayi mo atena ho afebo. Se moye saa a, morenhintiw na morempa abaw nso. <sup>11</sup> Se mofa saa okwan yi so a, wobema mo ako yen Awurade ne yen Agyenkwa Yesu Kristo Ahenni a eto ntwā da no mu.

<sup>12</sup> Ne saa nti daa mekaakae mo saa asem yi a munim na ase atim wo nokware a moagye adi no mu no. <sup>13</sup> Misusuw se, eye se mmere dodow a mete ase yi, mebo mo nkae wo saa asem yi ho. <sup>14</sup> Minim se erenkye biara megyaw saa ohonam yi ho senea yen Awurade Yesu Kristo daa no adi kyeree me no. <sup>15</sup> Mebo mmɔden se mefa okwan bi so ama moakae saa nsem yi bere biara wo me wu akyi.

<sup>16</sup> Enye anansesem na yete beka kyeree mo wo yen Awurade Yesu Kristo tumi ne ba a ɔrebaba no ho, na mmom yehu na yedi ne keseye no ho adanse. <sup>17</sup> Yewo ho bi na Agya Onyankopɔn hyee no anuonyam bere a nne bi fii Anuonyam kese mu kae se, “Oyi ne me Dɔba a ɔso m’ani!” no. <sup>18</sup> Yen ankasa tee nne no se efi ɔsoro reba bere a na yene no wo Bepow Kronkron no so no.

<sup>19</sup> Eno nti ema yenya nkɔm a odiyifo no hyee no mu gyidi yiye. Eɛ se mutie no yiye efise ete se kanea a ehyeren wo sum mu kosi da a ade bekye ama anɔpa nsoromma ahyeren wo mo

koma mu no. <sup>20</sup> Eyinom nyinaa akyi no, monkae saa asem yi: Obiara nni ho a onam n'ankasa so betumi akyere Kyerewsem mu nkomhye ase. <sup>21</sup> Na nkomhye biara mfi onipa pe mu, na mmom, Honhom Kronkron tumi mu na nnipa ka asem a efi Onyankopon.

## 2

### *Atoro Adiyifo No*

<sup>1</sup> Atoro adiyifo koo tetefo no mu, na saa ara nso na atoro adiyifo beba mo mu ara ne no. Wobema nkyerekyere bone a nokware nni mu na wopa Owura a ogyee won no, na enam so ama osee aba won so preko pe. <sup>2</sup> Nnipa bebree befa akwammone so na esiane nea woye no nti, nnipa bekasa atia nokware kwan no. <sup>3</sup> Saa atoro adiyifo yi nam won sikanibere so beto anansesem akyere mo de ape mo so mfaso. Won temmufo siesiee ne ho akye, na saa ara nso na won sefo no nso asore agyina.

<sup>4</sup> Onyankopon amfa abofo a woyee bone no ho ankye won. Otow won guu asaman sum mu baabi, guu won nkonsonkonson, na ehoo na woretwen atemmu no. <sup>5</sup> Onyankopon amma tete wiase no amfa ne ho anni. Omaa nsuyiri baa won a na wonsure Onyankopon no so. Won a ogyee won nkwa no ne Noa a okaa trenee ho asem no ne nnipa baason bi. <sup>6</sup> Onyankopon buu Sodom ne Gomora fo de ogya seee won, de boo won a wonsure Onyankopon no koko. <sup>7</sup> Ogyee Lot a oye otreneeni no fii nnipa nneboneyefo nsam. <sup>8</sup> Na saa otreneeni no te saa nnipa

nnebooneyefo no mu; na afide a na saa nnipa no ye no adekyee ne adesae no haw no yiye. <sup>9</sup> Se ete saa de a, na ekyere se Awurade nim okwan a ofa so gye n'akyidifo fi ohaw mu, na onim okwan a ofa so kora nnipa nnebooneyefo, twe won aso de twen atemmuda no. <sup>10</sup> Ne titiriw no, eyi fa won a wodi won honam akonnɔ akyi na wɔpa Onyankopɔn tumi no ho.

Saa atoro akyerekyerefo yi wɔ akokoduru na wommu anuonyamfo a wɔwɔ ɔsoro no, efise wonsure se wɔyaw won. <sup>11</sup> Na abɔfo a wɔwɔ ahɔden ne tumi sen saa atoro akyerekyerefo yi mpo nka nsemmone mmu won aten wɔ Awurade anim. <sup>12</sup> Nanso saa nnipa yi ye won nneema te se mmoa a wunni adwene, wɔwo won se wonkyere won nkum won. Wogu nneema biara a wɔnte ase no ho fi. Wɔbesee won se mmoa.

<sup>13</sup> Wobetua won ohaw a wɔma ebaa no so ka. Nea won ani gye ho ne se wɔbeyɛ biribiara a eye ma won honam akonnɔ no awia ketee. Se wone mo to nsa didi a, egu won anim ase. Efise saa bere no na wɔka nnaadaasem. <sup>14</sup> Wɔnhwehwe hwee se mmea nguamanfo efise wɔpe se daa wɔye bɔne. Wɔdaadaa nnipa a wɔye mmerew kɔ bɔne mu. Wɔayen won koma ama anibere. Wɔwɔ Onyankopɔn nnome ase. <sup>15</sup> Wɔaman afi okwan tee no so enti wɔayera. Wɔafa okwan a Beor ba Bileam a ɔde ne sika a onya no ye bɔne no kɔfaa so no so. <sup>16</sup> Eyi ma wɔkaa n'anim wɔ ne bɔne no ho. N'afurum de onipa nne kasa de siw odiyifo no adammɔsem no ho kwan.

<sup>17</sup> Saa nnipa yi te se asuti a ayow anaase omununkum a mframa bɔ no. Onyankopɔn de

wɔn asie sum kabii mu wɔ baabi. <sup>18</sup> Wɔka ahantansɛm ne nkwaseasɛm na wɔnam wɔn honam akɔnnɔ ho nnaadaa so twetwe wɔn a wɔatwe wɔn ho afi nnebɔneyɛfo ho no. <sup>19</sup> Wɔhyɛ wɔn ahofadi ho bɔ wɔ bere a wɔn ankasa yɛ bɔne nkoa efisɛ onipa yɛ biribiara a edi no so no akoa. <sup>20</sup> Na sɛ onipa sua yɛn Awurade ne yɛn Agyenkwa Yesu Kristo ho asɛm, na ɔnam so guan fi wiase yi mu akwammɔne so, na akyiri no ɔkɔ bɔne mu bio ma ɔdan bɔne akoa a, ɛno de ɛyɛ hu sen ne kan no. <sup>21</sup> Sɛ anka wonnim Kristo koraa a, anka eye ma wɔn sen sɛ wobesua ne ho nsɛm na afei wɔbɛdan wɔn akyi akyerɛ mmara Kronkron a wɔde maa wɔn no. <sup>22</sup> Nea ɛbaa wɔn so no kyere sɛ, saa bɛ yi yɛ nokware. “Ɔkraman san kɔtaforo ne fe na prako a wɔaguare no no nso koguare wɔ dontori mu.”

### 3

#### *Awurade Ba A Ɔbeba Bio No*

<sup>1</sup> Adɔfonom, eyi ne krataa a ɛto so abien a makyerɛw abre mo. Mekyerɛw sɛ mede rebɛkae mo, de akanyan mo adwene. <sup>2</sup> Mɛpɛ sɛ mokae nsɛm a adiyifo akronkron no kaa no mmere bi a atwam no ne mmara a efi Awurade ne Agyenkwa a wɔde faa mo asomafo so maa mo no.

<sup>3</sup> Nea edi kan no, ɛsɛ sɛ mote ase sɛ nna a edi akyiri no mu no, nnipa bi bɛba a wɔn ara wɔn honam akɔnnɔ na ebedi wɔn so. Wobedi mo ho fɛw <sup>4</sup> aka se, “Ɔhyɛɛ mo bɔ se ɔbeba. Wanka? Na ɔwɔ he? Yɛn agyanom awuwu dedaw, nanso biribiara te sɛ nea ɛte fi adebɔ mfiase!” <sup>5</sup> Wɔhyɛ da ma wɔn werɛ fi nokware no sɛ, efi tete na Onyankopɔn kasa maa ɔsoro bae, na wofi nsu

mu de nsu yɛɛ asase. <sup>6</sup> Akyiri no wɔde nsuyiri bɛsɛɛɛ saa bere wiase no. <sup>7</sup> Nanso Onyankopɔn ahyɛ sɛ ɔsoro ne asase ntena hɔ nkosi atemmuda. Afei wɔbɛsɔ ogya wɔ mu de asɛɛ nnebɔneyɛfo.

<sup>8</sup> Nanso anuanom, mommma mo werɛ mfi ade baako sɛ Awurade ani so de, nsonoe nni da koro ne mfe apem ntam. Ne fam de, abien no nyinaa yɛ pɛ. <sup>9</sup> Awurade ntwentwɛn ne nan ase wɔ ne bɔ a wahyɛ ho sɛnea ebinom susuw no. Mmom ɔwɔ mo ho ntoboase, efisɛ ɔmpɛ sɛ wɔbɛsɛɛ obiara, na mmom ɔpɛ sɛ obiara sakra fi ne bɔne ho.

<sup>10</sup> Na Awurade da no bɛba sɛ ɔkorɔmfɔ. Da no, ɔsoro bɛbobɔ mu na ayera na wim nneɛma bɛhyew na asɛɛ na asase ne so nneɛma nyinaa nso bɛda adi.

<sup>11</sup> Na sɛ saa ɔkwan yi so na wɔbɛfa asɛɛ ade nyinaa a, na ɔbra bɛn na ɛsɛ sɛ wobɔ? Ɛsɛ sɛ mo bra yɛ kronkron na mode mo ho ma Onyankopɔn. <sup>12</sup> Monhwɛ saa da no kwan na monyɛ mo nneɛma pɛpɛɛpɛ; da a Onyankopɔn bɛto ɔsoro mu gya na wim nneɛma anan na ayera wɔ ogyaframa mu no. <sup>13</sup> Nanso yetwɛn nea Onyankopɔn ahyɛ yɛn ho bɔ no, ɔsoro foforo ne asase foforo a ɛhɔ na trenee bɛtena.

<sup>14</sup> Enti anuanom, mugu so retwɛn da no, mommɔ mmɔden sɛ mobɛyɛ kronkron a mfomso biara nni mo ho wɔ Onyankopɔn anim na mo ne no atena wɔ asomdwoe mu. <sup>15</sup> Monkae nhu sɛ Awurade wɔ ntoboase efisɛ ɔpɛ sɛ obiara nya nkwagyɛ. Ɛno na yɛn nua Paulo nam nyansa a Onyankopɔn de maa no no so kyerɛw mo no. <sup>16</sup> Saa ɔkwan koro no ara so na ɔfa kyerɛw ne nkrataa no na saa nsem yi ara so nso na ogyina

kyerewee. Wɔn a wonnim na wɔnnye den no ntumi nkyere nsem bi a eye den wɔ ne nkrataa no mu no ase yiye. Saa ara na wɔye Kyerewsem nkae no de ɔsee ba wɔn so no.

<sup>17</sup> Nanso anuanom, esiane se wɔadi kan abɔ mo kɔkɔ no nti, monwen na wɔn a wonni mmara so no mfomso no antwe mo amfi mo tebea pa ho.

<sup>18</sup> Munyin wɔ yen Awurade ne Agyenkwa Yesu Kristo dom ne nimdeɛ mu.

Ɔno na anuonyam nka no mprenpren ne daa.  
Amen.

**Biblica® Wonhia εho kwamma nhoma  
Akuapem Twi Nkwa Asem™  
Twi: Biblica® Wonhia εho kwamma nhoma  
Akuapem Twi Nkwa Asem™ (Bible)**

copyright © 2020 Biblica, Inc.

Language: Akuapem Twi (Twi)

Dialect: Akuapem

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at [www.biblica.com](http://www.biblica.com) and [open.bible](http://open.bible).”

Notice of copyright must appear on the title or copyright page of the work as follows:

Biblica® Open Akuapem Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

Biblica® is a trademark registered in the United States Patent and Trademark Office by Biblica, Inc. and may not be included on



any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-04-09

---

PDF generated using Haiola and XeLaTeX on 22 Feb 2024 from source files dated 29 Jan 2022

db9c1a75-e6f7-5999-979b-02f8eb612f40